



Senaatti-giddodagat/ Sámediggi

Diedáhus lea almmustahttinfríija vuossárgga 14.4. diibmu 15.00

Sápmelaččaide iežaset kulturguovddáš Anárii - Senaatti-giddodagat ordne plánemis almmolaš arkiteaktagilvvu

Sápmelaččat ožžot Anárii iežaset kulturguovddáža, man ulbmilin lea ásahit sápmelaččaide buoret vejolašvuodaid eaktodáhtus doalahit ja ovddidit iežaset kultuvrra, giela ja servodateallima, dikšut ja ovdánahttit tiežaset gielalaš ja kultuvrralaš iešmearridanhálddahuša sihke doarjut sámiiid oktasaš eallindiliid ovdáneami. Dasa lassin mihttomearrin lea buoridit vejolašvuodaid viiddidit ja oažžut dieđuid sápmelaččain álgoálbmogin.

Sámekulturguovddáži bohtet sajit sámekultuvrralaš doaimmaide, Sámedikki hálddahušlaš doibmii ja sámiiid oahpahus- ja dutkamušdoaimmaide.

Kulturguovddáža guokte váldogeavaheadji leaba sápmelaččaid iešmearridanorgána Sámediggi ja stáhta oahppolágádussan doaibmi Sámiguovllu oahpahusguovddáš. Dasa lassin guovddáži bohtet sajit Anára gieldda girjerádjosis, sámeservviide ja Lappi leanaráddehussii. Kulturguovddáža hukseheadjin lea Senaatti-giddodagat, mii ordne huksema plánemis almmolaš arkiteaktagilvvu. Vistti plánen álggahuvvo ođđajagimánus 2009 ja huksendoaimmaid beassá álggahit gidđat 2010. Plána mielde vistti váldojuvvo atnui jagi 2012 áigge.

Sámekulturguovddáš lea mearriduvvon huksejuvvot Juvddujohgáddái Anára kirkosiidii, man atnet leat Suoma beali sápmelaččaid hálddahušlaš ja kultuvrralaš guovddážin. Anára kirkosiiddas leat Sámedikki lassin maid Siida (Sámemusea ja Davimus-Sámi luondduguovddáš), Sámeguovllu oahpahusguovddáš ja Yleisradion sámeovttadat (Sámi Radio). Sámekulturguovddáš lea plánejuvvon leat oassin dán oppalašvuodas nu, ahte dát lágádusat ja organisašuvnnat dorjot nubbi nuppi.

Sámekulturguovddážiš šaddá Suoma beali sápmelaččaid iešstivrejumi sihke ealáš ja ovdáneaddji kultuvrra symbolan. Kulturguovddáš lea vuosttas sajis oavvilduvvon sámiiid iežaset atnui. Kulturguovddáš lea oktanaga nu sápmelaččaid parlameantaviessu go kultur-, skuvlen- ja čehppodatguovddáš ja maiddái dáhpáhusviessu gos earálágan čoaččkimat, musihkka-, filbma- ja teáhterčájáhusat dollojuvvojit. Dát oassedoaimmat leat lágálágaid ja dorjot nuppiideaset nu sisdoalu go sajige dáfus.

Sámekulturguovddáš boahá mánggaid oassedoaimmaidisguin geasuhit guvlui eanet olbmuid ja doalahallat sámiiid nuoraid háliidusa fárret eret iežaset ruoktoguovllus. Kulturguovddáš fállá skuvlejuvvon sámenuoraide ođđa bargovejolašvuodaid, čohkke oktii sierra surggiid sápmelaš čehpiid ja doaibmá sámeservodaga ofelažžan, mas sierra surggiid čeahpit ovdánahttet sámeservodaga árbevirolaš árvvuid, dieđu ja máhtu vuodul. Fidnus leat maid posiitivvaš váikkuhusat guovllu bargguduhttimii, eallinvuoibmái ja sosiálalaš buresbirgejupmái.

Mánngabealát sajít bálvalit earálaganis doaimmaid

Senaatti-giddodaga mihttomearrin lea hukset sáme kultuvrra čalmmuštahti arkitektalaččat buori vistti. Senaatti-giddodagaid doaimma mielde vistái leat ásaheavvon čavga birasulbmilat ja eallenagi mihttomearit ja dat plánejuvvo lávga ovttasbargguin dan boahttevaš geavaheaddjiiguin.

Vistti guovddáš sadiin šaddet leat rabas guovddášlatnja gos mánngalágan doaimmaide ja bálvalusaide lea sadi ja dan birra leat čoahkis sajít álbmogii, čájáhallamiidda ja mánngalágan doaimmaide, girjerádju ja restauráŋgii. Čájáhallan ja mánngadoaimma sajít geavahuvvojit Sámedikki iežas kulturdoaimmaide ja doaluide. Sáme guovllu oahpahušguovddáša oahpahušlatnjan ja čoahkkimiidda, kongreassaide ja ávvudoaluide. Sajiid sáhtta maid láigohit dálu olggobeali geavaheaddjiide.

Hálddahus- ja oahpahušsajit leat čoahkis iežaset guovlun, goitge nu, ahte doaimmahatlanjaid ja daid veahkkelanjaid atnin lea álki ja lunddolaš. Ráđđádallan- ja čoahkkilanjat bohtet čoahkkinguovddášii. Buohkat, geat leat doaimmas guovddášis sáhttet várret lanjaid iežaset atnui ja čoahkkilanjaid sáhtta láigohit guovddáša olggobeali atnui. Media ja musihka oahpahušlanjat leat Sáme guovllu oahpahušguovddáša lassin maid ee. Álgobalmogiid filbmaguovddáša ja Sámi mánáidkulturguovddáša anus.

Kulturguovddáša bruttoviidodat dahjege oppalaš viidodat lea 4 670 njealjadasmehtera. Go viessu gárvvásmuvvá, doppe leat barggus 64 olbmo. Čoahkin-, ráđđádallan-, girjerádjo- ja mediasajit šaddet bálvalit olu stuorát geavaheaddjimeriid. Huksenfidnu golloárvoštallan lea sullii 11,5 miljovna euro. Fidnu lea ožžon 5 miljon euro EU-ruhtadeami.

Sáme kulturguovddáša plánemis ordnejuvvo guovtteoasát arkitektagiilvu

Árkitektagiilvvu, mii dál almmuhuvvo, vuosttas muttus lea idealunddot giilvu mainna oheat kulturguovddáša arkitektonalaš ja doaimmaide heivvolaš tevnnegiid. Nuppi muddui bovdet 3-7-eanemusat ovdánahttingelbbolaš evttohusa. Nuppi muttus ovdánahttit erenoamážit evttohusa doaimmaide heivvolaš ja ekonomalaš iešvuodaid.

Giilvu lea rabas buohkaide Suoma, Eurohpa Uniovna ja dan skáhpponláhkanjuolggadusaid birii gullelaš riikkaid olbmuid, guđege fámus leahkki soahpamušaid ja lágaid mielde. Oassálastiin galgá goit leat riekti doaimmahit arkiteavtta ámmáha iežas ássanriikkas.

Giilvvus juohkit bálkkašumiid ja lotnumiid oktiibuot 100 000 € ovddas čuovvovaččat:

1. vuoiu	35 000 €
2. vuoiu	25 000 €
3. vuoiu	20 000 €
guokte lotnuma, goabbáge	10 000 €

Vuoitolávdegoddi sáhtta ovtamielalaš mearrádusain juohkit vuoto submi nuppeláhkáige Suoma arkitektalihtu giilvonjuolggadusaid mielde. Nuppi giilvomuddui bovdjejuvvo plánejeaddjiide máksojuvvo juohkehažžii seammá stuorra oassi oktiibuot 75 000 euro sturrosaš submis. Giilvvu vuosttas muddu álgá 14.4.2008 ja nohká 30.6.2008. Giilvvuid nubbi muddu álgá 1.9.2008 ja nohká 3.10.2008. Giilvvu vuoiu almmuhuvvo 3.12.2008

Lassediedut:

Hálddahushoavda Juha Guttorm tel. 0400 142 518 (sajis 14.4. rájes), www.samediggi.fi
Huksenfidnu ja arkitekturagilvu, sadjehoavda Tanja Rytönen-Romppanen, Senaatti-giddodagat,
tel. 0205 811 665, www.senaatti.fi

Vuoitolávdegotti lahtut:

Senaatti-giddodagat:

- doaimmahushoavda Aulis Kohvakka, ságadoalli
- hoavda Risto Rautiola, várreságadoalli
- jodiheaddji áššedovdi Marjatta Erwe, arkiteakta SAFA
- sadjehoavda Tanja Rytönen-Romppanen, arkiteakta SAFA
- bušeahhtaráđdi Pekka Pelkonen, stáhtaráđiidministeriija

Sámediggit:

- hálddahushoavda Juha Guttorm
- lahttu Pekka Aikio

Anára gielda:

- teknihkalaš hoavda Arto Leppälä

Suoma Arkiteaktalihttu lea nammadan:

- professor Juhani Pallasmaa, arkiteakta SAFA
- arkiteakta SAFA, Anssi Lassila

Áššedovdit:

- huksenráđdi Tuulikki Terho, oahpahasministeriija
- hálddahusráđdi Mirja Kurkinen, vuoigatvuohtaministeriija
- professor Veli-Pekka Lehtola, Giellagas-instituhtta, Oulu universitehtta
- Giddodathoavda Lasse Porsanger, Senaatti-kiinteistöt

Vuoitolávdegotti čállin lea arkiteakta Katriina Jauhoa-Seitsalo ISS Proko Oy:s. Goasttádus-ja viidodatrehkenastimiid dahká ISS Proko.

Gilvoprográmma ja čuovusáššegirjjiid oážžu 15.4.2008 rájes čuovvovaš čujuhusain:

Suomen Arkkitehtiliitto
Runeberginkatu 5
00100 Helsinki
faxi 09 5844 4222
kilpailu@safa.fi

www.samediggi.fi/kilpailu ja www.samediggi.fi/competition